

UGOVOR O JAVNOJ NABAVCI KONSULTANTSKIH USLUGA IZ OBLASTI JAVNIH NABAVKI

Zaključen dana **01.04.2024. godine** u prostorijama Ugovornog organa, u ulici Dalmatinska 2/IV, Sarajevo između sljedećih ugovornih strana:

TURISTIČKA ZAJEDNICA KANTONA SARAJEVO

koju zastupa Predsjednik dr.sci. Haris Fazlagić

Adresa sjedišta: Branilaca Sarajeva 2, 71000 Sarajevo

Službena adresa za korespondenciju i prijem pošte: Dalmatinska broj 2/IV, 71000 Sarajevo

ID broj 4202315720008

(u daljem tekstu: Ugovorni organ)

i

OBRTNIČKA DJELATNOST „AGENCIJA APKE“

kojeg zastupa vlasnik Edvin Šarić

Adresa: Nahorevska 13, 71000 Sarajevo

ID broj 4302447020000

(u daljem tekstu: Pružalac usluga)

I - PREDMET UGOVORA

Član 1.

Predmet ovog Ugovora je javna nabavka konsultantskih usluga iz oblasti javnih nabavki za potrebe Ugovornog organa, od strane Pružaoca usluga.

Za navedeni predmet je proveden direktni sporazum prema Odluci o pokretanju postupka javne nabavke Ugovornog organa br. 584/24 od 25.03.2024. godine. Ponuda Pružaoca usluga br. 01-03-EO/24 dostavljena putem e-maila dana 27.03.2024. godine i zaprimljena na protokolu Ugovornog organa br. 584-2/24, a ista je dostavljena po zahtjevu za dostavljanje ponuda br. 584-1/24 od 25.03.2024. godine, čiji su dokumenti sastavni dio ovog Ugovora.

Ponuda Pružaoca usluga je osnov za zaključenje ovog Ugovora i čini sastavni dio istog.

Član 2.

Pružalac usluga se obavezuje da će izvršiti predmet nabavke, u skladu sa ponudom koja se ovim Ugovorom prihvata, što podrazumijeva obavljanje stručnih i konsultantskih usluga iz oblasti primjene Zakona o javnim nabavkama BiH koja uključuje stručnu pomoć:

- u izradi tenderske dokumentacije u cilju usklađenosti iste sa Zakonom o javnim nabavkama i pratećim podzakonskim aktima;
- prilikom određivanja vrste postupka za dodjelu ugovora shodno predmetu nabavke, procijenjenoj vrijednosti nabavke, te ispunjenosti propisanih uslova za primjenu odgovarajućeg postupka javne nabavke;
- u postupku javne nabavke u cilju zakonitog postupanja (osim dijela koji se tiče povjerljivih informacija iz člana 11. Zakona o javnim nabavkama);
- u sačinjavanju akata po okončanom postupku javne nabavke i u postupku po žalbi;
- davanje savjetodavnih mišljenja iz oblasti primjene Zakona o javnim nabavkama po pozivu od strane Ugovornog organa.

II - UKUPNA VRIJEDNOST NABAVKE

Član 3.

Ugovorne strane su se međusobno sporazumjele da ukupna vrijednost predmeta nabavke iznosi **5.850,00 KM bez uračunatog PDV-a**, i to:

O P I S	Jedinica mjere	Količina	Jedinična cijena bez PDV-a (KM)	Ukupna cijena bez PDV-a (KM)
Konsultantske usluge iz oblasti javnih nabavki	mjesec/paušal	9	650,00	5.850,00
UKUPNA CIJENA BEZ PDV-a				5.850,00
POPUST				0,00
UKUPNA CIJENA SA POPUSTOM BEZ PDV-a				5.850,00

III - IZVRŠENJE

Član 4.

Pružalac usluga se obavezuje da će tokom ugovornog perioda za potrebe Ugovornog organa pružati usluge iz člana 2. ovog Ugovora, u skladu sa narudžbama i potrebama Ugovornog organa.

Usluge će se pružati kontinuirano, prema potrebama Ugovornog organa putem telefona, e-maila, a po potrebi i u prostorijama Ugovornog organa uz blagovremenu najavu.

Pružalac usluga će naloge i poslove u okviru kojih se ostvaruje obavljanje stručnih i konsultantskih usluga iz oblasti javnih nabavki dobivati od predstavnika Ugovornog organa usmeno ili pismeno putem e-maila.

IV - KVALITET

Član 5.

Pružalac usluga će obavljati povjerene usluge stručno, profesionalno, kvalitetno i odgovorno, sa pažnjom koja je uobičajena pri vršenju takve vrste posla.

V - ZAŠTITA PODATAKA I INFORMACIJA

Član 6.

Ugovorni organ će Pružaocu usluga učiniti dostupne podatke, informacije i dokumente potrebne za izvršenje usluga koje su predmet ove nabavke.

Odnos ugovornih strana će se zasnivati na povjerljivosti u obavljanju poslova i odgovornosti čuvanja tajnosti podataka i informacija.

Pružalac usluga se obavezuje da će sve podatke i informacije smatrati kao tajne i strogo povjerljive, te da ih neće otkriti trećem licu.

VI - USLOVI I NAČIN PLAĆANJA

Član 7.

Ugovorni organ se obavezuje da će ugovornu cijenu plaćati u jednakim mjesečnim ratama, u roku od najkasnije 10 (deset) dana od dana prijema ispravno ispostavljene fakture, a nakon izvršene usluge, na transakcijski račun Pružaoca usluga.

Kao dan prijema fakture računa se dan kad je faktura zaprimljena na protokolu Ugovornog organa. Ispostavljene fakture moraju u cjelosti biti u skladu sa ponudom Pružaoca usluga.

VII - TRAJANJE UGOVORA

Član 8.

Ugovor se zaključuje na period od 01.04.2024. godine do 31.12.2024. godine, računajući od dana obostranog potpisivanja Ugovora.

VIII - RASKID UGOVORA

Član 9.

U slučaju da Pružalac usluga tokom trajanja predmetnog ugovornog odnosa učini povredu odredbi ovog Ugovora, odnosno ukoliko ne vrši usluge koje su predmet Ugovora u skladu sa datom ponudom, cijenama, rokovima izvršenja ili zbog neadekvatnog kvaliteta isporučenih usluga, Ugovorni organ ima pravo jednostrano i bez otkaznog roka raskinuti Ugovor, ako Pružalac usluga posljedice povrede ne otkloni u roku od 8 (osam) dana od dana pisanog upozorenja Ugovornog organa.

Ugovor se raskida pisanim putem, poštom preporučeno, uz pozivanje na razlog raskida.

IX - ZAVRŠNE ODREDBE

Član 10.

U skladu sa članom 72. stav (6) Zakona o javnim nabavkama BiH, Pružalac usluga nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke, najmanje 6 (šest) mjeseci po zaključenju ovog Ugovora, odnosno od početka realizacije istog.

Član 11.

Eventualne sporove u vezi ovog Ugovora, proizišle iz izvršavanja, odnosno neizvršavanja prava i obaveza iz ovog Ugovora, ugovorne strane će rješavati sporazumno, usaglašavanjem ili na neki drugi miran način u skladu sa dobrim poslovnim običajima.

Ukoliko ne bude moguće sporazumno rješavanje nastalih sporova, ugovorne strane, ugovaraju nadležnost Općinskog suda u Sarajevu.

Član 12.

Za sve odnose i institute koji nisu utvrđeni ovim Ugovorom, a proisteknu prilikom njegove primjene, primjenjivat će se odgovarajuće odredbe Zakona o obligacionim odnosima.

Član 13.

Ovaj Ugovor se primjenjuje danom potpisivanja ugovornih strana, a sačinjen je u 3 (tri) istovjetna primjeraka, od kojih je Pružaocu usluga uručen jedan primjerak, a ostali su zadržani za potrebe Ugovornog organa.

ZA PRUŽAOCA USLUGA
O.D. AGENCIJA APKE

ZA UGOVORNI ORGAN
TURISTIČKA ZAJEDNICA
KANTONA SARAJEVO

Edvin Šarić, vlasnik

Predsjednik dr.sci. Haris Fazlagić

Broj: 584-3/24

Datum: 01.04.2024.